



Visoki predstavnik Inzko sastao se sa hrvatskom predsjednicom Grabar-Kitarović

Visoki predstavnik Valentin Inzko se danas u Sarajevu sastao sa hrvatskom predsjednicom Kolindom Grabar-Kitarović. Visoki predstavnik je informirao predsjednicu Grabar-Kitarović o trenutnoj političkoj situaciji u BiH, kao i o svojim stavovima u vezi sa evroatlantskim integracijama i reformskim procesima u Bosni i Hercegovini.

“Međunarodna zajednica je jedinstvena u naglašavanju stava da domaće vlasti moraju poduzeti potrebne korake kako bi omogućile neometano odvijanje općih izbora 2018. i provedbu izbornih rezultata. Ne mogu dovoljno naglasiti koliko je ovo pitanje hitno”, rekao je visoki predstavnik.

Visoki predstavnik Inzko je takođe zahvalio predsjednici Grabar-Kitarović na podršci koju Republika Hrvatska pruža BiH na njenom putu ka članstvu u NATO-u i EU. “Iskustvo Republike Hrvatske u ovim procesima integracija može biti istinski značajno za BiH. Ne sumnjam da će Zagreb i Sarajevo dugoročno nastaviti njegovati dobrosusjedske odnose koji imaju ključni značaj za situaciju u Bosni i Hercegovini,” zaključio je visoki predstavnik.